


Questa introducziun tematica è vegnida realisada il 2012. In'actualisaziun vegn a star a disposiziun en pauc temp.

FINANZIAZIUN DA LA CHAPIENTSCHA TRANTER LAS REGIUNS LINGUISTICAS



Promoziun da la chapientscha sco sfida

La promoziun da la plurilinguitad, da la chapientscha tranter las regiuns linguistics e da la coesiun naziunala è ina gronda sfida, er a nivel finanziel. Questa constataziun sa referescha als nivels ils pli differents ed a las activitads las pli diversas da la societad svizra, sco p. ex. decisziuns politic-economicas a nivel federal e chantunal, custs da translaziun u sustegn finanziel d'activitads da barat. En ils ulteriurs champs tematics vegnan menziunadas las cumpetenzas da la Confederaziun, dals chantuns e da las vischnancas en connex cun la chapientscha interculturala e cun la coesiun naziunala che cumpiglian er aspects finanziels. Las sequentas indicaziuns sa limiteschan a la promoziun da projects en il champ da la chapientscha. Quai duai porscher in emprim agid d'orientaziun a personas ed organisaziuns che planiseschan talas activitads.

Maun public

En general èn responsabels ils chantuns e las vischnancas per dumondas – damai er per projects – che tangheschan las linguas, la furmaziun e la cultura. La Confederaziun collavurescha subsidiarman: Ella promova p. ex. projects da barat ed ulteriuras activitads per promover la chapientscha en il rom da la «Lescha federala davart las linguas naziunales e la chapientscha tranter las cuminanzas linguistics» dal 2010 e per part en il rom da la «Lescha federala davart la promoziun da la cultura» ch'è entrada en vigur dal 2012. Posts da consultaziun tals chantuns èn per il solit ils departaments d'educaziun, p. ex. per projects da barats da scolars, ubain il fond da lottarias Swisslos.

Fundaziuns

Malgrà la preschientscha da fundaziuns extremamain spessa e multifara en Svizra datti en egl che fitg paucas fundaziuns culturalas decleran sco scopo u incumbensa da lur fundaziun la promoziun da las activitads da barat e da chapientscha tranter las regiuns linguistics. Quellas quatter fundaziuns che fan quai èn inditgadas sut «Acturs». Ina retschertga dal 2010 ha mussà che dus champs tematics parentads vegnan percurter sustegnids pli savens: projects d'integraziun, ch'involvan la populaziun svizra e migrantas e migrants, sco er projects da barat intercultural cun l'ester. A dus dietas organisadas da SwissFoundations, da la Fundaziun Sophie e Karl Binding sco er dal Forum Helveticum (2009/2010) è vegnì tematisà quest fatg. En quest connex han pliras fundaziuns exprimi la prontadad da promover en l'avegnir pli savens er activitads per la chapientscha tranter las regiuns linguistics da la Svizra.

Economia privata

Las constataziuns fatgas en connex cun las fundaziuns constattan anc pli fitg per l'economia privata. Da chattar sponsurs per activitads en il champ da la chapientscha è extremamain difficil, er tar firmas naziunales ch'èn pia preschentadas en pliras regiuns linguistics. Il pli tgunsch chatt'ins interess sch'i stattan en il center auters aspects d'in project da chapientscha che han tradiziunalmain in grond sustegn (p. ex. participaziun da giuvenils u furmas da film u da musica definidas cleramain). Sustegn da sponsurs locals èn sa chapescha adina pussaivels,

independentamain dal cuntegn dal project.

ACTURS

Confederaziun/ Chantuns / Vischnancas

- Uffizi federal da cultura
- Fundaziun svizra per la cultura Pro Helvetia
- Departaments d'educaziun dals chantuns relativs
- Conferenza dals delegads chantunals per dumondas culturalas
- Uffizis da cultura dals chantuns relativs
- Loterie Romande
- Conferenza da las citads svizras per dumondas da cultura
- Lottaria naziunala interchantunala Swisslos

Fundaziuns

- Fundaziun Ernst Göhner
- Fundaziun Sophie e Karl Binding
- Fundaziun per la giuventetgna svizra General Guisan
- Fundaziun Walter ed Ambrosina Oertli

Economia privata

- Sustegns punctuals